

問第十一事也住天上屢顯章流恩澤濟倉  
 生抱元炁保長存尊嚴不虧第十二事也此  
 十二事備在三乘三乘之學各有其人倫多  
 受名乘成爲號上洞爲大乘中洞爲中乘下  
 洞爲小乘大略舉之以其事多者爲海壁如  
 目錦亦以其錄多者立名也此十二事又各  
 有十二事一曰自然文字二名符策三曰注  
 訣四曰圖象五曰譜錄六曰戒律七曰威儀  
 八曰方法九曰術數十曰記傳十一曰讚頌  
 十二曰表奏行十二事者各有此十二階在  
 三洞洞達相通玄有少多隨因列導精解修  
 之感驗必速不解漫求効則遲應迷昧不精  
 行之无微僻以望果更致考臻上學志人嚴  
 加詳慎也  
 破海符如左

凡生有境清少濁多穢障相纏行善不立邪  
 氣來侵強魔玄試上學之人濁動徐清潔齋  
 存思禁隔驚塵非類之子叨突去來家人他  
 室或有產乳中外親表或有喪凶牢獄閻訟  
 六畜驚奔鳥沉交接悲泣血傷諸如此等見

之不祥皆是穢濁滲生纏障結不釋闇昧  
 亂神急宜沐浴存思即消但精思難精精防  
 有法亦當擇日玉相之辰清齋啓告受佩破  
 淹之符九天之炁化爲九鳳各首同身飛行  
 三界引三清之妙炁蕩九地之罡塵佩身出  
 入動靜常清衆濁不能滲群塵不敢干諸厄  
 悉度延年无衰魂魄俱鎮同昇玉清也  
 某號太歲某年某月朔某日某時某州郡縣  
 鄉里男女姓名若干歲謹請大度厄延年益  
 算不衰破淹神符保守年命延度九厄明耳  
 目療開節安魂定魄萬淹不干急急如  
 太上九老律令



洞真太上倉元上錄

洞真太上上皇民籍定真玉錄

青童君請問太上道君曰治心入道科術參  
 羅各云要妙由之有緣未審今之最要何方  
 爲勝太上答曰勝理雖多其有最者治心之  
 要在乎慙愧動心舉目轉體安身骨懷慙愧  
 不忘須臾心神乃定定則入道此爲最要也  
 青童君曰何所慙愧而得入道  
 太上曰心有神識識道可尊尊由无爲而我  
 有爲爲有有累志願无爲爲无无累不可使  
 及力進苦運負累稍至爲此慙愧不離心中  
 又當思我稟生生由父母父母鞠養辛苦劬  
 勞而我成長學術不深无奇方異法令父母  
 延命長生不死同得神仙此期未克供養又  
 虧公私愆過父母垂憂思慮不精功行怠退  
 爲此慙愧不離心中又父母愛念令其傷勞  
 從師學問智慧通神求得仙聖爲道種人師  
 友勸勵方便抑揚善誘善接既鍊既陶而任  
 欲肆心負遠師訓或將成而罷叛正入邪攻  
 伐師友反道破經罪延尊上禍滅己身災殃  
 將至不知改悔或不自覺悟以僞爲真苦及

方悔悔无所追為此慙愧不離中心又君王賞德搜賢訪美舉其宗鄉拔其萃類爵祿尤厚宴集網繆不能竭力盡忠贊宣聖化貪禁慕勢阿諛面從佞媚自進抑絕高明嫉害勝已結對連代災凶賊害毒至不知不能脫誤及親友為此慙愧不離心中又崇道不忘事親能孝奉君必忠不負幽顯而前身宿障否病相纏公私口舌誹謗橫生或聞訟牢獄非意而及或執勤守慎清直異羣君上所憎衆邪所怨或事師敬友往還身心而遭罹凶醜惡鬼惡人交牙劫掠懼脅中傷或為善成惡捨財致怨盡禮為佞竭誠為姦或起立館舍繕寫經圖堂宇雖立不得常安為部雖多不得披覽公私里礙風火去失慘疾飢寒不從本志白日空去素願未成一失生道方向冥冥幽苦煩惱未測還期今欲救之未得要訣為此慙愧不離中心中有神不知慙愧則馳競遑遑无時得定由慙愧慙愧既立常在中心中有慙愧俯仰思道思道不忘須臾則神明定乎內內定則罪去罪去則福

來福來則成真真成則入道入道由慙愧慙愧則入神也青童曰慙愧在心謹聞命矣請問慙愧在迹其狀可聞乎太上曰善哉善哉要矣之問也夫有形則有心有心則有事有事則有迹有迹則有狀有狀則有言有言則有法有法則有道有道法可陳矣學士治心慙慙在內慙愧之迹其狀在外豫子若冬涉川猶子若畏四鄰是其狀也慎言語懼慮總也節飲食慮倉粟也衣簷而淨在素潔也居陋而隱守靜篤也恭敬一切避陵辱也不敢為先免嫉謗也始終貞信潛化導也進止和先密行教也挫銳解紛明道有時也出處變化見神應之緣也各有其法同是慙愧之狀也青童曰其狀如斯謹聞命矣其法之制又可聞乎太上曰其法多條各有經語略而言之聞一知十也

凡欲定心遵奉三尊道尊經尊備在我師師法顯隱俯仰順從不得負違違則失定守定不失當侍師尊瞻聽聲色伏勤无休勞不敢憚苦不敢辭專志无迂以死為期能如此者心定得生若肯師任已違道越經怨怒狐疑欺因幽顯此心不定畏死失生一去難追良可痛矣

凡欲定心因緣別師守道執經存師不替心懷慙愧不得從師師已昇天我不得侍或將化他境我不能隨或依運託終我不能測或流離因辱飢寒餘方或遭罹公私牢獄閉繫或枕疾山水隔絕人倫或五災所及死敗殞亡或毒蟲猛獸林木所傷或遭罹盜賊陷同姦羣不能救之皆應慙愧慙愧在心慈惠在迹不敢違樂不敢安寧不敢歌笑不敢榮華當清嚴堂室禁隔雜人燒香然燈晨夕朝禮誦誦師經思行師法肅肅標標戰戰兢兢食服氣飲布衣裳動止首過謝罪存神行善請福建德立功開度一切教化惡家孜孜不倦翼翼无休非師之言口不敢說非師之服身不敢披非師之志心不敢存非師之居居不敢住能如此者得慙愧之法也

凡欲定心當受上皇民籍定其玉籙此籙至要為學之先先能定心仙名乃定定仙名者

由此錄焉是三天正一先生所佩以定得仙之名傳於玉帝三十九真西王母上元夫人清靈真人五岳真仙各一通受之千年聽傳三人若有金名玉字奏札青官者百年之內可得三傳盟用金人玉龍各一枚青布三十

二尺以誓北帝師及弟子各齋九日北向告盟而傳錄也不受此錄仙名不定雖學諸經功德不就為魔所試不能得仙得仙之人皆先受此錄以青紋囊盛佩肘下男左女右常以在身唯浴乃脫他悉勿解敵壞更治啓告改易去夫輪罰齋懺三年三十六月日隄足竟乃得啓告佩之如先三失不得復受彌加慙愧冀後生有緣耳

定真玉錄自然之文出手无始終手无終大劫一改得道之真積功累德必佩斯文名入其中身受其然為真真不可毀矣大劫未周其間小劫功德怠者身名俱退必失斯文亦不值仙功進德精得文无失保為種人不退不減若功德智慧輕重不同二十四萬之外又有十二萬人合三十六萬一劫之所成

也功德微薄不入三十六萬便後劫為期耳此劫之人精進勇猛乃得入此三十六萬限中一名白簡青錄皇民籍錄白金為簡青玉為字也

洞真太上上皇民籍定真玉錄

正一天師清微弟子百堅製作  
道教學術資訊網站

洞真太上紫書錄傳

唐九

太真丈人所佩傳文始先生一名五隱六妙三九正一密旨上經上清高真大聖玄神元始天尊與五老上帝十方得道眾聖无数真仙會於東北始青天中大浮黎國玉京之山七寶瓊林清容宮殿天樂羅陳香華紛散神物窮奇禽獸巨異參列大觀不可稱言天尊融笑一切咸懼於是太上道君乘自然寶輪侍從无極真聖仙童玉女不可量計發自玄都造詣天尊禮畢白言天尊欣笑大衆咸樂未審所以然而玄既有以乎天尊命使就座論叙清妙言笑甚懽一切唱言唯讚嘆希有而无的叩請爾時元始天王從座而起長跪上白天尊太上道君積功累德經劫无数致令巍巍神妙如是會於今日惟樂希有其思難窮萬機慈洽億兆每欲言而无與言欲教而无能受即日大慶願聞要言敢問何道可以廣濟何法可以長懽乎天尊告曰善哉善哉大哉問也吾有妙道不可窮極寔真真精不可為言其深微秘與子粗已具今出五